

INUIT ATAQATIGIIT INATSISARTUNI



UKA2021/161

10. november 2021

Harald Bianco

Nunami kapisilinnik tukertitsivinnik pilersitsisoqarsinnaalernissaanik periarfissat suunersut pillugu Naalackersuisut UKA2022-mut Nalunaarusioqqullugit Inatsisartut aalajangiiffigisassaattut siunnersuut.

(Inatsisartuni ilaasortaq Siverth K. Heilmann, Atassut)

Siullermik siunnersuuteqartoq Siverth K. Heilmann Atassut qutsavigaarput siunnersuummut.

Inuit Ataqatigiinniit isumaqarpugut, nunatsinni aningaasarsiorfissanik nutaanik pilersitsiortortoqartariaqartoq, tamakku aningaasarsiornikkut ineriartornissamullu iluaqutaassammata.

Inuit Ataqatigiinniit akerlerinngilarput periarfissanik aqqutissiuisinnaanermilu misissuisoqarnissaa, kisialli naalackersuinerinnaanngitsukkut. Nalunnginnatsigu nunat allat siuarsimasut innutaasut suliffeqarfiillu isumassarsiullaqqinnermikkut aqqut atortaraat. Inuit Ataqatigiinniit isumaqarpugut suliffeqarfinni pilersitsiner-mi niuvernermilu misilillagallit tassaasut siunnersuisinnaasut pitsaanerpaartarisagaat, Nunap ingerlalluartup aqqutit tamakku atugarisarmassuk. Nalunngilara aamma Atassutip tamanna siunertarilluinnaraa, tassa inuit suliffeqarfiilluunniit nunami suliffinnik pilersitsisussat pingaanerpaartarigaat.

Nunatsinni ingammik nunatta kitaani namminersorluni suliffinnik pilersitsissarneq siuariartorpoq sulilu annertunerusariaqarluni. Tamannalu pissappat eqqarsaaterpassuit oqalunnerillu naamanngillat, sulisoqartariaqarporli.

Siunertaq pilersinneqassappat suliassaq annertuvoq aningaasarpassuarnillu naleqassalluni. Ilaatigut nunatta silaannaallu inissisimanerat imaannaangitsut

INUIT ATAQATIGIIT INATSIARTUNI



eqqarsaatigalugit. Soorlu 1989-imi Qullortorsuami eqalunnik misileraasimanagerup iluatsinngitsup tamanna takutikkaa.

Naalakkersuisut akissuteqataannaani takuneqarsinnaaneq, suliffeqarfinni pileritsinissamik siunnersuinissamut aningaasaleeqartaanissamullu Innovation Greenlandimut isumaqatigiissuteqarsimasut. Inuit Atqatigiinniit isumaqarpugut, Naalakkersuisut tassuunatigut pitsaasumik aqutissiuereersut atorluagassamik.

Passinarluarportaaq Naalakkersuisut najoqqutarineqartussanik qulakkeerinnittussaammata. Tassani ilaatiguit pineqarluni NASCO-mut ilaasortaanitsinni pissaaffinnik inatsisitigut nammassinissimanissarput.

Suliassaq annertuvoq pisariaqartitsillunilu piffissamik sivilunerusumik atuinissamik tamakkuninnga ilisimasaqarluartunik suleqateqarnissaq ilaatigut pissutaalluni. Taamatullu pineqartumi suliaqarnissamut aningaasatigut annertuumik pisariaqartitsilluni Naalakkersuisut oqaatigisaattuut.

Tamakku tunngavilersuutigalugit Naalakkersuisut allannguutissamik siunnersuutaat Inuit Atqatigiinniit taparserparput.